

Jangan Sampai Hilang !!

AWIG-AWIG  
DESA PEKRAMAN POHSANTEN



DESA PEKRAMAN POHSANTEN  
KECAMATAN MENDOYO  
KABUPATEN JEMBRANA

2006



LAMBANG AGAMA HINDU

Pengub NO 4 Th. 2019 Desa Pekrajan  
Diganti menjadi Desa Adat.

LAMBANG DESA



DESA POHSANTEN  
KECAMATAN MENDOYO

# KETERANGAN LAMBANG DESA POHSANTEN

1. Dasar Segi Lima	Melambangkan Pancasila, sebagai landasan setiap Langkah-langkah dari Desa Pohsanten.
2. Meru latar Belakang Gunung	Gunung melambangkan Kekuatan, Gagah Perkasa.
3. Empat Gelang Rantai	Melambangkan Pengikat Persatuan diantara 4 Banjar yang ada di Desa Pohsanten.
4. Padi dan Kapas	Melambangkan Kemakmuran, terutama Sandang Pangan.
5. Pita Bertuliskan Catur Warga Eka Karya	Lambang Pembangunan Desa Yang didukung oleh 4 warga Kerja Dusun/Banjar <ul style="list-style-type: none"> <li>➤ Banjar Munduk</li> <li>➤ Banjar Rangdu</li> <li>➤ Banjar Dangin Pangkung Jangu</li> <li>➤ Banjar Dauh Pangkung Jangu</li> </ul>
6. Dasar Biru	Suasana Damai, Ketenangan, Aman dan Sejahtera.
7. Pita bertuliskan Pohsanten	Identitas Desa.

## DAFTAR ISI

No.	Isi	Hal.
1.	Lambang Agama Hindu .....	0
2.	Lambang Desa .....	i
3.	Arti Lambang .....	ii
4.	Murdha Citta .....	iii
5.	Sarga I .....	1
	Aran Lan Wewidangan .....	1
6.	Sarga II .....	3
	Patitis lan Pamikukuh .....	3
7.	Sarga III .....	3
	Sukerta Tata Agama .....	3
	Palet 1	
	Indik Dewa Yadnya .....	3-4-5-7
	Palet 2	
	Indik Rsi Yadnya .....	7
	Palet 3	
	Indik Pitra Yadnya .....	8
	Palet 4	
	Indik Manusia Yadnya .....	11
	Palet 5	
	Indik Buta Yadnya .....	13
8.	Sarga IV	
	Sukerta Tata Pawongan .....	15
	Palet 1	
	Indik Pawiwahan .....	15
	Palet 2	
	Indik Palas Merabian .....	19
	Palet 3	
	Indik Sentana .....	20
	Palet 4	
	Indik Wewarisan .....	21
9.	Sarga V	
	Sukerta Tata Krama .....	25
	Palet 1	
	Indik Krama .....	25

	Palet 2	
	Indik Prajuru .....	29
	Palet 3	
	Indik Peparuman .....	31
	Palet 4	
	Indik Kulkul .....	34
	Palet 5	
	Indik Laba Pura .....	37
	Palet 6	
	Indik Druwen Desa .....	37
	Palet 7	
	Sukerta Pamitegep .....	38
	Kaping I Indik Karang Abian lan Carik .....	38
	Kaping II Indik Pekayonan .....	40
	Kaping III Indik Wewangunan .....	40
	Kaping IV Indik Wewalungan .....	41
	Kaping V Indik Panca Baya .....	42
	Kaping VI Indik Penyanggra Tempek/Banjar .....	43
	Sarga VI	
	Wicara Lan Pamidanda .....	44
	Palet 1	
	Indik Wicara .....	44
	Palet 2	
	Indik Pamidanda .....	45
	Palet 3	
	Indik Pemargin Pamidanda .....	46
	Palet 4	
	Indik Rerampagan .....	47
	Palet 5	
	Indik Nganorayang/Ngusanang Mekerama Adat .....	48
10.	Sarga VII	
	Indik Raja Berana Druwen Desa .....	48
11.	Sarga VIII	
	Indik Nguwah-nguwehin Awig-awig .....	49
12.	Sarga IX	
	Pemuput .....	50

## MURDHA CITTA 'OM AWIGHNAM ASTU NAMA SIDHAM'

Desa Adate ring Bali mula wantah marupa Paguyuban Umat Hindu pemekas ipun. Sang maduwe Agama sewosan kesejeang tepengan ngenanin indi Tata Agama. Ring ngupadi kasukertan sekalane, pastika kesarengang beriuik siu saguluk sareng sami.

Unteng ipun Desa Adate ring ngawit ngardinniyane kapuja kaupetiang saka kaurip, awanan ipun sinanggeh pateh ring Sarwa 'Bhawane'.

Palemahan ipun pinaka dewek ukudan ipun, awanan Desa Adate sinanggeh Bhawa maurip sane maukudan. Sotaning Bhawa maurip tan luput ring papiceran Tri Kona : Utpeti, Stiti, miwah Pralina.

Sida murip Desa Adate melarapan antuk kahanan deweknyane kalingganan antuk TRI HITA KARANA, wiwitane tetiga maka jalaran sane ngawanang sidha memanggeh ayu luwir ipun :

- a. **PRAHYANGAN** : Genah ngarcana miwah genah Ida Bhtara batari mestana, pamekas genah ngastawa Ida Sang Hyang Widhi puniki pinaka Atria ngewetuang Prana kauripannya | Desa Adat.
- b. **PAWONGAN** : Idadane Kerama Desa Adat rawuhin kulawargannya sane pinaka Tri kayan Desa adate, ngawanang nyidayang molah meprawerti.
- c. **PALEMAHAN** : Tanah wewidangan Desa adate, sinanggeh Stula sarira pinaka ukudan dewek Desa Adate.

Sapunika taler manut Dresta Desa Adate keanggehang Bhuana Agung, Pawongane soang-soang pinaka Bhuana Alit, sinanggeh murdhaning Prayojana Pangriptaning Awig-awig. Sejaba dresta inucap pamekas Pancasila, Undang-Undang Dasar 1945 miwah sehanan Peraturan Negara Republik Indonesia ne tan maren manggeh keinggilang tan wenang kelepasan.

Mejalaran saking Panghyanging Ida sang Hyang Widhi Wasa saha melarapan manah sane dahating mabuat tur lascarya, Kerama Desa Adat sareng sami sane wenten ring sejeroning Desa Adat Pohsanten, mretaliang paigum pidabdab Awig-awig Desa Adate sane keanggen dasar Pidabdab mecikang pemargin Tata Kramaning Desa Adate.gumanti sidha memangguh sukerta, trepti miwah kerahajengan Sekala Niskala, saha sampun pada Kacumponin miwah kemanggehang sekadi munggeh ring sor puniki

## SARGA I ARAN LAN WEWIDANGAN DESA ADAT

### Pawos 1

1. Mungguwing Desa adat Punika mewasta DESA PEKRAMAN POHSANTEN.
2. Jimbar kekuwub wewidangan nyane Nyatur Desa :
  - a. Sisih Wetan : Ring Tukad Pergung/Desa Pekraman Pergung.
  - b. Sisih Kidul : Ring Desa Pekraman Mendoyo Dangin Tukad.
  - c. Sisih Kulon : Ring Tukad Panca/ Desa Pekraman Mendoyo Dauh Tukad.
  - d. Sisih Lor : Ring Alas/ Gunung Yeh Mesehe.
3. Wewidangan Desa Adat Pohsanten punuki antuk Paruman Desa Palemahannya keepah daos 4 (empat) banjar Adat, luwire :
  - a. Banjar adat Banjar Munduk.
  - b. Banjar adat Banjar Rangdu.
  - c. Banjar adat Dangin Pangkung Jangu.
  - d. Banjar Adat Dauh Pangkung Jangu
4. Wates wewidangan Banjar Adate kemanggehang antuk paruman Desa anut ring munjuk lungsur cacah jiwanya.
5. Banjar adate wenang keepah dados Tempek-tempek wiadin arahan-arahan manut pamutus Paruman Banjar adapt soang-soang.

### Pawos 2

1. Manut Tri lingganing Desa Adat Pohsanten, pepalihannya anut kesuwilaan pastika kadi ring sor :
  - a. Utama Mandala : Sehanan Prahyangan Ring Desa, miwah tegak Kahyangan pinaka sirahnyane.
  - b. Madia Mandala : Pepupulan karang Peumahan, Carik, Tukad lan telajakan Desa adat Pohsanten.
  - c. Nista Mandala : Setra utawi Tunon pinaka cokor Desa adat Pohsanten

2. Wates palemahan Subak Carik lan Subak Abian Patut :
  - a. Kemanggehan antuk paruman Desa.
  - b. Anut ring munjuk lungsur cacaha jiwa pawongannya , dados keepah kedadosang Tempek-tempek utawi araha-arahan manut Perarem.

### Pawos 3

1. Banjar Adat, Subak Carik, subak abian miwah sehanan Sekehe-sekehe wenang ngardi Pasuwara miwah Perarem maka Pmikuluh Awig-awig Desa Adat Pohsanten puniki.
2. Pasuwara miwah Perarem inucap tan maren manggeh keinggilang, nanging tan wenang lempas ring Awig-awig /Pasuwara miwah Perarem Desa Adat Pohsanten.
3. Banjar Adate wenang ngewentenang usaha-utsaha ngardi Brana miwah wenang mawosin wicara saha niwakang Pamutus arep ring | Krama Banjar Adate.
4. Subak Carik utawi Subak abian lan sehanan sekehe-sekehe wenang ngardi Brana mejalanan antuk Usaha miwah wenang mawosin wicara saha niwakang pamutus arep ring Krama Subak utawi warga sekehe-sekehe.
5. Tempek-tempek kalih Arah-arahan Banjar adate tan wenang ngardi Pasuwara miwah Perarem, kemawon mawakpahan sinanggeh tangan sukuning Banjar adate.
6. Banjar Adate Patut maderbe piranti-piranti mekadi Bale Banjar, bale Kulkul miwah sane siwosan.

## SARGA II PATITIS LAN PAMIKUKUH

### Pawos 4

1. Pamikukuh medasar antuk Pancasila miwah Undang-undang Dasar 1945.
2. Tri Hita Karana manut Tatwaning Bhuana agung lan Bhuana Alit manut Agama Hindu ring Bali.

### Pawos 5

1. Luwir Patitis utawi tetujon Desa Adat Pohsanten inggih punika :
  - a. Ngajegang Tata Prawerti Agama Hindu kejalarin antuk usaha-usaha mekadi Panca Yadnya.
  - b. Ngupadi Jagadhita Sekala lan Niskala.
2. Ngajegang kasukertan Desa Adate kalih kabecikang uriping mekarama adapt, salunglung sebayantaka saha paras-paros sane kejalaring antuk usaha Catur Purusa Artha, utawi Catur Warga mekadi : Dharma , Artha , Kama miwah Mokshah.

## SARGA III SUKERTA TATA AGAMA

### Palet 1

## INDIK DEWA YADNYA

### Pawos 6

1. Palinggih-palinggih penyiwian Ring wewidangan Desa Adat Pohsanten sane sampun wenten luwire :
  - a. Kahyangan Tiga mekadi Pura Puseh, Pura Desa Bale agung, Pura Dalem utawi Praja Pati ( pengulun Setra ), Pura Dang Kahyangan Pasatan.
  - b. Pura Ulun Suwi, Pura Panti/Paibon, pedadian, Merajan ring sowang-sowang kaluwarga.
  - c. Pura Penyiwian sowang-sowang Banjar Adat.

2. Patirtan sowing-sowang sesuhunan Desa adate mekadi ring sor :
  - a. Pura Desa/ Bale Agung ring Purnamaning sasih Kedasa.
  - b. Pura Dalem /Prajapati ring Tilem sasih Katiga.
  - c. Pura Puseh ring Purnamaning sasih Kapat.
  - d. Pura Ulun danu, Ulun suwi Pura panti, Paibon, Pedadiaan, Pemerajan, Pura Penyiwian sowing-sowang Banjar Adat kasukserahang ring sane ngemong manut Tata Agama Hindu.
  
3. Ritatkala Ida Batara pacing melis utawi Melasti ke segara ring Aci kesanga, Pura Panti, Dadia, Paibon sane ngeranjing pacing melis utawi Melasti sane wenten ring wewidangan Desa adapt Pohsanten, tan keengin nyarengin pemargin Ida Batara Kahyangan Tiga, yan mamurug patut kapindanda manut Perarem .
  
4. Yening wenten ngerencanayang Pacang mekarya suka kelawan duka patut mesadok ring para Juru Desa wiadin Banjare. Yening Mekarya mangde ngawentenang Pesadok asasih sadurung ngelaksanayang Pekaryan, pinih alon atengah sasih. Yening wenten sane mati kedadak tur keabenang dados kelaksnayang arahine sedurung pekaryane.
  
5. Pengaci ring Pura Inucap : nista, madya, utama tur manut kawentenan ring Perarem.
  
6. Bacakan Letuh luwire :
  - a. Sekancan cendala tan daos ngeranjing ke kahyangan Desa luwire :
    - Jadma luh sebel kandel( ngeraja sewala ), maduwe oka/keruron manut sengeker.
    - Jadma cuntaka sane kepademan, sengker kepastiang antuk pamutus Perarem.

- b. Sehanan jadmā Petita (bebinjat, wong beling kesenggaman tan sinangaskara, wong mamitra ngalang, miwah sebel siwosan sane durung sinangaskara manut Agama Hindu.
- c. Wong sakit ila sane pasti (jadmā buduh).
- d. Sato luwir wewalungan sukapat, sejawaning kalaning mepepada.
- e. Sehanan wit sane sinanggeh Letuh manut agama mekadi : tulang, getih, bok, saluwiring wiwitan watang, layudan Pitra yadnya, miwah sane siwosan.

### Pawos 7

1. Ring sowang –sowang Pura inucap kewntenang Pemangku Lanang utawi Istri.
2. Ngadegang Pemangku medasar antuk pilihan :
  - a. Ngewaris ngewilang saking turunan, sakewanten sane sampun merabian.
  - b. Pilhan Desa taler sane sampun merabian.
  - c. Manut saking tetimbang Prajuru Desa sane sampun keupakara saking pemijilannya.
  - d. Nunas pawuwus Widhi utawi Nyanjan .
3. Sane tan kawenang kaunggulan Pemangku :
  - a. Cendala luwire : peceng, perot, kalihsane cacad sewosan.
  - b. Kegeringan luwire : sakit ila, ayan, buduh kalih sane sewosan.
  - c. Ulah cacad luwire : ngerabinin wong arabi, nyolong samara kalih sane sewosan.
  - d. Sane tan uning nulis tur ngewacen aksara.
4. Prebea ngewntenang Pemangku, : Saking Desa Adat (Kerama Desa Adat).

## 5. Larangan Pemangku Luwira :

- a. Tan dados ngambil wong pejah;
- b. Tan dados mapunyah-punyah;
- c. Tan dados sirep ring margi-margine;
- d. Tan dados nyulubin lon-longan, Panyemuhan tur sane siyosan;
- e. Tan dados Mategenan sejawaning mule kadruwen anggen ragane;
- f. Tan kalugre dados saksi kerama suka, sejawaning mula kabuatang antuk sang mawangrat;
- g. Yen wenten prade mamurug patut Ke Prayascita.

## 6. Prajuru lan Pemangku tan kalugra :

- a. Pemangku tan wenang mepengangge sane tan manut ring Upacara, sapunika taler rikala Ngerawuhin Undanga adapt sane Ngelaksanayang agama.
- b. Yening Undangan karma suka tan kawenang ngangge sarwa Putih.
- c. Yening wenten para Pemangku mamurug sekadi ring ajeng Patut meprayascita raga sane kesaksi antuk Prajuru, kalih Prabea sami kawentenang olih sang mamurug.
- d. Yen Prajuru sane mamurug patut keni danda kehnye manut Perarem.

## Pawos 8

## 1. SwaDharmaning Pemangku:

- a. Ngantebang Upakara/Upacara saluwira aci-aci ring Pura sesuhunan Desa miwah ring Pekraman.
- b. Nganteban saluwir aci-aci miwah Penawuran wong Desa mianakadi pura Desa.
- c. Nitenin, Nuntun, kesucian Pura miwah sane siyosan.

## 2. Sang Mepenawuran patut mesadok ring prajuru Desa Adat

- a. Upacara/Upakara wewlan.
- b. Sejawaning mepenawuran ring ajeng miwah aturan sane lumrah mewali kapiserah ring Pemangku.

3. Nganteban Yadnya, madia utama, keengin nuhur Pedanda pacang muputang Pemangku, Patut penyanggre manut Pamuput bawos.

### Pawos 9

Pituwas Pemangku luwire :

- a. Dasar suci rikala aci.
- b. Pangelem.
- c. Artha daksina Penganteb, ritatkala wenten Penawuran.
- d. Luput saking ayahan ~~Desa~~ miwah banjar.
- e. Pala lan Cadik guling ritatkala wenten Mepenawuran guling ( megasot ).
- f. Manut Pamuput tetimbang bebawos Prajuru Desa.

### Palet 2

## INDIK RSI YADNYA

### Pawos 10

1. Sane pacing Mapudgala, sejawaning nunas pelugrahan ring sang rumawos ( Parisada ) utawi Kantor Agama, taler patut mesadok ring para Juru desa.
2. Prajuru Desa inucap patut sareng Nureksa nitenin mangda sulur kalih pemangine jati manut kecapin agama saha tinut, nyaksinin pemargin upacara.
3. Selanturnia Prajuru Desa patut digelis ngentosin Parab sang Mediksa manut palugrahan Sang Nabe, sane keilikitayang tur kesiarang ring Paruman Desa.

## Pawos 11

1. Sejawaning Pemangku, sang mawinten pacing muatang pemangi Nyonteng, Dalang, sakaluwir pacing Ngenterang Yadnya, patut mesadok ring Prajuru Desa.
2. Prajuru Desa wenang Nitenin, nureksa saha ngalangin prade kacihne sasar ring sesana miwah kekecap.
3. Prajuru Desa patut nyaksinin saupakarania tur nyiarang ring Paruman Desa tegep rawuhing wates kewenangan ngaturang upacara Yadnya punika.

## Pawos 12

1. Krama Desa katuntun antuk Prajuru Desa sareng ngawas nitenin mangde sehanan Yadnya sane kewentenang kaicen pamuput olih Pandita utawi pinandita/Pemangku dalang, sangging manut kewenangania.
  - a. Prajuru Desa patut nuntun saha ngemanggala kesuciang prajurune.
  - b. Ngaturing dana Punia manut wibuh kincit karyane.
  - c. Saking tekleb mekayunin pewanah utawi pawisik ring kecaping Mantra Agama.

## Palet 3

## INDIK PITRA YADNYA

## Pawos 13

1. Indik pemargin Pitra Yadnya madudonan pangupakarane sang lampus sekadi ring sor puniki luwire :
  - a. Mependem premangkin nganutin rahine sane kemanggehang antuk Prajuru Desa, sane tan dados Purnama, Tilem mekirim Odalan Ring kahyangan Tiga Desa sejeroning Batara Nyejer.
  - b. Pengabenan melelet langkung ring 7 ( pitung ) rahina saking pejah, mangde maupakara, tan kantos mambu.

- c. Pengabenan tan melelet 7 (pitung) rahine saking pejah.
- d. Saluwiring Pengabenan patut kelaksanayang ring setra ugi.
- e. Sane ngemargiang pengabenan sawane sampun mapendem ring setra dados ngunggahang tumpang saluwiring karang desa pekraman, sakewanten mangde kagentosin antu sawa karesian.
- f. Sane dados Ngastawa kalih maktiang sekah ring Pura Dalem, amongan Mangku dalem sekantune anut ring amongan sane kekenihin antuk Desa.
- g. Yan wenten pejah Ring jaba Desa Adat, dados sawane bakta mantuk ring karang Desa Pekraman, sejeroning pacing mutusang bawos ring kulawangane indike pacing mendem utawi Ngaben.
- h. Yen wenten pejah sadurung maketus, magde mapendem ugi.
- i. Yen wenten pejah sejeroning Desa, siyos agama nenten dados mependem ring Setra Desa.
- j. Yening sang meagama Hindu sane ten mauwed mekrama desa patut nawur genah mependem ( penanjung batu ) kalih sane keeladang mekrama desa taler kepatutan nawur.
- k. Tan kewenangan mendem sawa sejawaning ring setra.
- l. Yan wenten nuju pengaci ring pura-pura sane nuur Batara Tirta , yan wenten mendem sawa, ten dados ngeseng sawa miwah pepaga.
- m. Yen rikalaning aci kalih nuur tirta, tan kalugra ngaben sadurung Batara Tirta mantuk kalih sane nuur tan kalugra ngalinggihang Batara Tirta lintangan ring 3 (tigang) rahina saking ngawit aci.
- n. Tan kalugra ngerakse sawa nitatkala jagate kabrebehan/ kegeringan.
- o. Tan kalugra ngaben sajeroning sasih Kedasa ngawit salikur rahina saking aci Usabha kedasa.
- p. Yan kepejahan kulawarga pemangku sane kantun dados akuren ugyo Nyuntakang ( nyebelang ) sekadi ring sor puniki :
  - 1. Yen during kepus udel 12 ( roars ) rahine .

2. Yen sampun kepus udel 3 ( tigang ) rahine.
  3. Yan rabin Pemangku maduwe anak alit 42 ( petang dasa dus ) rahine, pamangku lanang akepus udel, kalih wenten aci , punika karombo antuk Pemangku sane siyosan.
  - ④. Yan Pemangku Desa lanang utawi Istri pejah wenang kegeseng ugi antuk Desa Adat.
- q. Yen pacang ngebet / nyapuh sawa ring setra patut kawentenang aturan manut patuduh Pemangku dalem, kalih yen sampun 3 ( tigang ) rahine patut ngewentenang sesapuhan ring setra, ring pengulun setra, kalih ring Penyimpanan Ida Batara dalem.
  - r. Yen wenten wong desa kapejahang during wenten /pastika pacang mapendem tan kalugra mekanya bangbang.
  - s. Yen wenten wong Desa kapejahang lintang ring adiri sejeroning rahine pemargine mendem, patut sane mesadok rihinan mendem dumunan, miwah sane siyosan ring sorene.
  - t. Yan wenten ngelaksanayang Pitra Yadnya ( ngaben ) tan kalugra ngelantur sadurung sane ngaben rihinan mesesapuh >
  - u. Yan wenten kalaning ngaben ngebet sawa, ring rahine ngebet tan kalugra mendem sawa, kalih mande mesadok ring prajuru desa.
  - v. Ritatkala rahine Pengabenan yan during wusan ngirim, tan dados mendem sawa.
2. Upakara-upakara Sang lampus mapendem premangkin :
    - a. Sowang-sowang Krama /warga ( pedadian ) sami sampun kasinanggeh uning nganutin, Dresta, sima, adat paitanganya.
    - b. Pengabenan manut pinunas miwah kesidaang olih Sang maduwe jadmane sane pejah Ida Pedadnda upami nista, Madia, Utama, utawi pelaksana paetangan pemargine mapupul ( meseka ).
  3. Indik kulawarga sane maduwe jadma pejah :
    - a. Patut mesadok ring prajuru desa, dadia, sapunapi peetangan pacang mapendem utawi ngaben.

- b. Ngaturang panyembrame kesidahan antuk : sedah, lanjaran, miwah sane siyosan.
4. Swadarmaning Banjar, Desa Adat, dadia :
- Prajuru, Banjar, desa, dadia maritetes , paetangan miwah Pemargine.
  - Nepak Kulkul.
  - Yening ngaben lanang istri ngemedalang petuas kalih kasukserah ring sang maduwe karyane.
  - Yan mapendem ngamedalang pituas.
  - Krama banjar, desa, dadia lanang istri patut nyarengin mekarnya indik eteh-ete upakara sang pejah manut bebawos sane sampun kemanggehang.
  - Krama Banjar, Desa, dadia, tan kalugra nguatk-ngatik tata gara yadnyan nyane gumanti mangde yadnyane lantur.
  - Yan ritatkala ngaben, ngutang sawa mangde kemangiang becik trepti, tan kalugra ngumpag-ampig, yan wenten mamurug wenang keni dadnda manut Perarem .

Pawos 14

1. Indik Pejah Beling :

Patut kemedalan dumun rarene, wus punika wau dados pendem utawi keabenang.

Palet 4

INDIK MANUSA YADNYA

Pawos 15

1. Manusa Yadnya inggih punika darmaning manusa, ngawit saking patemonin kama Petak kelawan Kama Bang sejeroning garba ( waduk bobot ibiang )) kantos pejah riwekas.

2. Upacara kadi ring ajeng madudonan kadi ring sor :
  - a. Ngawit magedong-gedongan duk ngerempini ibiang.
  - b. Duk Sang Kamareka medal.
  - c. Kepus odel.
  - d. Pitung Rahina utawi 12 ( roars ) rahina saking medal.
  - e. Tutug kambuhan ( petang dasa dus rahina ).
  - f. Nigang sasih ( telu bulan ).
  - g. Pawotonan ( awedalan ) 6 ( enam ) sasih atau 210 ( dua ratus sepuluh ) rahinan .
  - h. Tumbuh lan ketus gigi.
  - i. Tutug Kelih ( ngeraja wedana, ngembak lanange ).
  - j. Mepetik muah nigang sasih malih.
  - k. Mepandes ( metatah gigi ).
  - l. Mawiwaha.
  - m. Mepewinterian, Ekajati, Dwijati.
3. Ring sampune metemu ngawit Mērabian :
  - a. Tutug tigang rahina patut keprayascita.
  - b. Patut ngayab Pekalan-kalan muah Pakerab nganten nasi dehe lan banten.
  - c. Pelangkiran, Tipat Bantal, Base sangkil ring kulawarga Sang wadon.
4. Upakara soang-soang kadi ring ajeng, nista, madya utama nganutin Catur Dresta, muah desa Mawacara luwire : Agama, Sima , Adat , Perarem Desa, muah dasar kasidania, pamuput ring Ida Pedadnda.
5. Wong Desa Adat Pohsanten, sane nganutin agama Hindu ring Bali sane ngelebur Agama patut nunas pamuput Ring Ida Pedanda luwire :
  - a. Ngerangkat ring jadma sios Agama, lanang utawi Istri.
  - b. Lanang utawi Istri mewali manut Hindu mekerama Desa ring Desa Adat Pohsanten indik punika ketatas Ring Prajuru Desa.

- c. Risampune kawenangan laminnia kelaksanayang, patut keni Denda manut Perarem.

## Palet 5 INDIKBUTHA YADNYA

### Pawos 16

1. Bhuta Yadnya inggih punika Upakara/Upacara Banten Pabiyakalaan (Pelabaan) muah Pecaruan sarwa Prani katur ring Ibu Pertiwi, ring pura-pura, sanggah ring manusa muah bebutaan luwire :
  - a. Sarwa tumuwuh/kayu-kayuan.
  - b. Ingon-ingonan.
  - c. Lelandep/sarwa besi.
  - d. Gambelan.
  - e. Wewalian/balih-balihan.
2. Manut genah Penyawang lan rerahinan muah sasih sane kemanggehāng antuk karma desa soang-soang kuren.
3. Upacara/Upakara pekala-kalaan manusa anut wiguna ketah keba/os Pebeya kalaan.
4. Upakara Banten Pabeyakalan ring sang Hyang Ibu Pertiwi, muah ring Pura-pura, sanggar ring bebutaan kewastanin Mecaru, nista, madia, utama sekadi ring sor :
  - a. Eka sata.
  - b. Panca sata.
  - c. Panca Sanak.
  - d. Panca Kelud.
  - e. Rsi Gana.
  - f. Yawur Agung Yama Raja.
  - g. Saluwiring Kadurmengalaan.

5. Sejawaning kadi ring ajeng patut kawntenang Upakara luwre :
  - a. Ngejot-ejotan (saiban nyabran rahina usan ngeratengan).
  - b. Mesegeh manut genah muah renahinan.
  - c. Mesapuh-sapuh rikala Pacang rauh Patirtan ring Pura-pura.
6. Penanggluk Merana :
  - a. Ring Desa Adat Pohsanten ritatkala kerawuhin Kemeranan taler kawntenan Upakara/Upacara Penanggluk Merana ring : Pura dalem, Pura Puseh, Pempatan agung , Pengulun Setra, ring Segara.

### Pawos 17

1. Ngewarsa ring Tileming Kesanga, kawntenang Tawur kesanga, ketah kebawos Ngerupuk, meobor-obor, pacang nyaluk papag rahina Penyepian benjangne.
2. Upacara Rahinan Nyepi sipeng manut Catur Beberatan ring sor puniki :
  - a. Amati Geni : tan kalugra me api-api,
  - b. Amati Karya : tan kalugra nyambut karya.
  - c. Amati Lelungaan; tan kelugra melelungayan.
  - d. Amati Leluguan : tan kalugra meoneng-onengan , ajejuden, masuara goro.
3. Benjang Penyepian lintang kewastaning Ngembak Geni; karya ngewtu ngelukar yoga Semadhi, kadulurin antuk idep nunas Dingahayu muah ngaksamayang soang-soang kerama Desa ngawit iCaka warsa.
4. Prajuru Desa Adat Pohsanten ngawntenang Pamutus bebawos muah Pecalang (pengelanglang ) ring jatma sane mamurug beberatan penyepian, kekenenin Pamidanda, sejawaning kelugrahin ilikita, santuka keni pakeweh nadak, muah saking prajuru, pemerintah kedadosang.]

SARGHA IV  
SUKERTA TATA PAWONGAN  
PALET I  
INDIK PAWIWAHAN

Pawos 18

1. Pawiwahan inggih punika, Patemoning Purusa lan Predana melarapan Panunggalan Kayun Sukacita, kaduluring Upasaksi sekala lan Niskala.
2. Sejawaning kadi inucap ring ajeng, Pawiwahan taler mangde manut ring daging Undang-Undang No. 1 Tahun 1974 Republik Indonesia, Peraturan Pemerintah No. 9 tahun 1975 miwah manut kadi pasuaran Gubernur kepala daerah Tingkat I Bali.
3. Pemargin Pawiwahan luwire :
  - a. Mepepadikan, maduluran sukacita sangakaning paigum pikayun kulawarga sang kalih.
  - b. Ngerorod/ Ngerangkat, melarapan antuk sukacita lanang wadon.
4. Pawiwahan sane kelaksanayang antuk ngerorod/ ngerangkat kepatutang :
  - a. Kulawarga sang Purusa ( lanang ) ngawentenang Pejati ring kulawarga Predana ( wadon ) mewaneng arahina/ 1 x 24 jam.
  - b. I Kerama sane nampi sang Ngerorod/ ngerangkat manga atur uning ring Prajuru, Pamekas ring Kelihan Dinas utawi Kelihan Adat.
  - c. Kelihan Dinas utawi Kelihan Adat patut nureksa tur Netesang Ngerorod /Ngerangkat inucap makebuatang maritiyaksayang indik Pemargine, Ngerorod , napi kemanut utawi singsal ring drestane kalih pasuaran Gubernur Kepala Daerah Tingkat I Bali.

- d. Prade pemargine sampun nepek sang ngerorod/ngerangkat kalih sang nampi polih Pamikukuh pesyuban Nanjar/desa, nanging yaning tan nepek wenang katulak utawi kepalasang saha katur ring sang rumawos.
- e. Sesampune pemargin Pangerorod/ngerangkat kepatutang antuk Prajurune, ring tigang rahine patut kemangayang Pangeluku( Pengaksama ) ring kulawarga wadon saha nunas gegalangan/kebebasan.
- f. Sejeroning during maserah( mapuputan ), sang nganten tan kalugra mantuk ngeranjing paumahan kulawarga wadon kalih kalih tan dados maturan ring Ring Kahyangan Tiga Desa.
- g. Sapuput Upacara maserah ring sang nganten, patut muspa ring Sang Hyang Tiga, kalih kesaksining antuk Prajuru Desa miwah Banjar, irika sang Ngambil ( ngerangkatang ) ngawentenang canang bebawos setegepnya saha jinah agung alit ipun manut Perarem . Jinah punika ngeranjing ke Desa maka prebea kasujatiang puput pawiwahane.

### Pawos 19

1. Yan weten wong dura Desa ngelaksanayang pawiwahan ngerorod/ngerangkat mesayuban ring Paumahan | Krama Desa Pohsanten, patut mesadok ring Prajuru Desa Adat utawi Lurah/Kepala Desa. Prade tan nganutin wenang kedanda manut Perarem.
2. Yan wenten pengetut utawi ketututan saking kulawarga wadon sang ngetut patut mesadok ring prajuru desa.
3. Sang maseserep utawi pangetut sane pacang netes Pangerorodan/ pengerangkatan kadi inucap patut nunas panuntun ring Prajuru, | Prajuru patut nureksa natasan | Pengetut/seserep punika, jati tan jatinya patut pernah wiring ngerorod/ngerangkat punika.

4. Yening linggihnyane jati-jati pernah wuring Sang Ngerorod, Prajurune patut digelis nganter sesrep punika kaumah genah Sang Ngerorod/ngerangkat kegenahan utawi keengkebang.
5. Sang meseserep patut tinut ring sapituduh Prajurune ngeninin Indik Tata/natas pengerorodan sekadi ring sor :
  - a. Ngeranjing ring umah inucap tan dados langkungan ring kalih diri.
  - b. Tan keengin makta senjata utawi gegawan LSP.
  - c. Ten keengin matingkah kalih mebawos purusia natang-nantang.
6. Senapake | Prajuru patut midadbdabin mangde Tatacara Penetehe Trepti, maka buatan mangde anake istri sane ngerangkat jati-jati polih nerangan idep nyane sebeb ipun. Wirang seserepe mangde polih nerangan idep nyane mireng ucapan anake istri punika luwir pedabdabe kadi ring sor :
  - a. Anake istri kagenahan ngeraga, tan dados anak siosan ngenampekin kirang ring 3 (tigang) depa tur tinas ring inange.
  - b. Prajurune nuntun nulurang Sang Meseserep polih metaken ring sang istri punika.
  - c. Prajurune nyumakatayang pamekas ring sang istri, mungguwing dane pacang ngicen pesayuban manut ring daging idepnyane. Yening pada-pada arsa utawi sukacita pengerorodane, sang meseserep pacang katulak, nanging yening sangkaning pepaksan, sang istri wenang kepalasang tur Sang lanang sane ngambil patut katiwakin Pamidanda manut ~~...~~.
  - d. Pamupute | Prajuru dumugi melaksana ring Pamutus Sang Istri inucap.

## Pawos 20

1. Pawiwahan (nganten) sane tan kepatutan :
  - a. Ngerangkatan tumin dinyama.
  - b. Pianak tumin, pianak dinyame, rerame dinyame, semeton sedet semeton sios biyang/ibu, sameton dicambra, semeton idih-idihan kalih sang matunggalan susu, Yan hana mamurug wenang kepalasang tur kapidanda.
  - c. Sane tan kepalasang Gamia Gamane, nanging patut upacara kewanten minakadi baluan saking ipah kalih saking rerangkatan.
  - d. Yan wenten memaksa utawi melegandang anak istri patut kepalasang tur kapidanda.
  - e. Prade Drati Krama, mamitra ngalang, wenang kapidanda tur mangde ngelaksanayang Upacara.
  - f. Yan wenten ngerabian wong arabi, ngerangkatan wong arabi wenang kapidanda.
  - g. Yan wenten ngambil, warang, mantu, pianak kewalon miwah semeton kewalon wenang kapidanda, tur kepalasang.
2. Pawiwahan sane kemanggehang patut ring Desa Adat Pohsanten mekadi ring sor puniki :
  - a. Pawidhi-widanya kapuputang antuk sulinggih utawi Panugrahan Ida Pedadnda/Sulinggih.
  - b. Kesaksinin antuk Prajuru Desa Adat saha mejalaran antuk Akte Perkawinan anut kadi Undang-Undang No. 1 Tahun 1974 Republik Indonesia miwah pasuaran Gubernur Kepala Daerah Tingkat I Bali.
  - c. Yan Sang Widhi widana tan nginutin kadi inucap ring ajeng, ring jaga tedun mayahan mekrama desa mangde meretista rage dumun sekadi No .a ring ajeng puniki

3. Piteges Pawiwahan inggih punika :

- a. Kapatutang sang lanang merabi adiri, sejawaning wenten pasubaya saking rabine utawi paetangan bawos pacang merabi malih.
- b. Prade wenten lokika sanggraha, patut sang mobotang nyakepang wadone, yan tan manut wenang kekenenin Danda manut Perarem, tur ngupajawa seembasan bobote saha katur ring sang rumawos.
- c. Prade Drati Krama. Mamitra ngalang sane kebawos ngawanang cemer jagat, wenang kasisipang tur kedadnda upacaranya manut Perarem.
- d. Yan wenten balu angkep tan manut ring kretaning Pawiwahan patut kebawosin antuk Prajuru tur wenang katiwakin Pamidanda manut Perarem.

Palet 2  
INDIK PALAS MERABIAN  
Pawos 21

1. Yan wenten anak palas merabian patut keputusan antuk Pengadilan Negeri, medasar antuk mesadok saking sang lanang utawi sang Istri manut Tatacara luxire :
  - a. Salah sinunggil anaşarlaku.
  - b. Salah sinunggil wimasaning laku.
  - c. Salah sinunggil Cedaangga, padem miwah keni hukuman langkung ring limang (5) warsa.
  - d. Metilar salah sinunggil tan mesadok kantos awarse muah setata wak purusa utawi tan prasida adung malih miwah sane sios-siosan manut dresta.

## Pawos 22

1. Soang-soang sang Balu manut Pawonganya kabinayang dados kekalih luwire:
  - a. Balu wadon saking wit sentana rajeg.
  - b. Balu wadon boyo saking sentana rajeg.
2. Swadarmaning Sang Balu inucap patut :
  - a. Ngawisesa waris, pagunakaya tan kuasa ngadol, ngadeang, makidihang sejeroning during polih bebebaskan saking sang patut ngewaris.
  - b. Yening ngangkat sentana riantuk tan maduwe putra kedadosang nanging sadurunge patut nunas kebebasan medasar pidabdab sane becik marep ring kulawarga sane paling tampek kekeluarganya.
3. balu wadon wiadin lanang ( nyentana ) tan pageh ring swadarmannya upami :
  - a. Matilar saking pakubon/kedaton tan pesadok sejeroning awarse.
  - b. Las ring swadarmaning balu, tan sida ngentosin salah ring ipah purusa wiadin pecak keluarga rabine utawi salahne kebawos tan patut, keengin kemulihang keumah daha/teruna saha tan polih pah-pahan gunakaya.
4. Prade sang balu inucap pageh nganutin swadarmannya, raris ketundung antuk sentana ( keluarga Purusa ), wenang sang Balu inucap polih pah-pahan gunakaya.

## Palet 3

## INDIK SENTANA

## Pawos 23.

1. Mungguwing sentana wenten kalih soroh luwire :
  - a. Pratisentana wiadin sentana rajeg.
  - b. Sentana saking peperasan.

2. Prade wenten sinalih tunggil kerame sane sampun mawiwaha, tan prasida ngewentenang sentana, teruna tua, sakewanten mangda nginutin dresta utawi kepatutan minakadi mangda adung dumun ring keluarga purusa.
3. Sane kepatutan keperas anggen sentana kadi ring sor puniki :
  - a. Jadma nganut agama Hindu.
  - b. Pepernahan saking sang meras.
  - c. Keluarga saking Purusa, yan tan wenten keengin saking pradana , prade tan wenten kadi ring ajeng wau dados sekitaning arep sang Meras.

#### Pawos 24

1. Sang mapikayun ngidih sentana patut mesadok ring Prajuru Desa miwah ring sang rumawos ( Pemerintah ), sanistane 3 ( tigang sasih ) sadurung kemargayang upakara widhi-widana peperasan.
2. Yening Tata pemerasan sampun manut kadi ring ajeng, ring panumaya upakara Widhi-widania kelaksanayang, Bendesa Adat kalih Kelihan Adat patut nodyo sinanggeh saksi utama.
3. sawusan Upakara Pemerasan kelaksanayang, Bendesa Adat digelis nyaratang pemerasan inucap tur kepungkur kesinahang utawi kesiarang ring Paruman Desa utawi Banjar.
4. Yening sulur pemerasan tan manut ring kapuputang sang Rumawos, Prajuru Desa wenang nyandeg sang meras mangda keputusang rihin bebawos sulur kalih indik wicarania.

#### Palet 4

### INDIK WEWARISAN

#### Pawos 25

1. Warisan inggih punika, tetamian artha berana, ayah-ayahan sekala niskala saking purusa arep ring turananya.

2. Sane sinanggeh warisan perade :
  - a. Druwe tengah, karang/tegal/sawah/Paumahan, Pemerajan/Sanggah Pura sesuhunan.
  - b. Guanakaya, tetatadan, jiwa dana miwah utang piutang.
3. Sane keengin kebawos warisan perade :
  - a. Wenten sang papiturun wiadin pewaris.
  - b. Wenten turunania wiadin pewaris.
  - c. Wenten Artha berana, tetegenan ayah-ayahan miwah sane marupa warisan.

### Pawos 26

1. Sane sinanggeh ahli waris luwire :
  - a. Pratisentane purusa sane kerupaka antuk yayah rena melarapan antuk Pawiwahan sane sah manut agama miwah Undang-Undang No 1 tahun 1974 Republik Indonesia.
  - b. Sentana rajeg utawi putra wadon sane kemanggehang purusa.
  - c. Sentana peperasan sane sah manut dresta miwah sampun kepastikayang antuk Pemerintah.
2. Prade tan wenten kadi ring ajeng sane kepatutan dados ahli waris luwire :
  - a. Turunan keluarga purusa kepernah ngunggahang mekadi rerama di misan, rerama dimindon, kalih selantur ipun ngunggahang.
  - b. Turunan Purusa kepernah kesamping, keponakan dinyama, misan keponakan dimindon kalih selantur ipun nedunang.
  - c. Yening putung (campur) tan madruwe pepernahan waris patut kawenangan antuk Desa.

## Pawos 27

1. Swadarmaning ahli waris kadi ring sor puniki :
  - a. Patut nyanggra tur ngutsahayang tetamian pahan saking kulawaragania mekadi ngemponin tetegen sanggah/pemerajan Pura kawitan/pedadian miwah Pura kahyangan Tiga saha ngupakaras rauhing ayah-ayah pewartis.
  - b. Ngabenang pewartis tur ngelanturang Upakara-upakara Pitra Puja miwah nawurin sehanan utang-utangngya ring sekala niskala.
2. Ngelanturang swadarman yayah rena ring Desa Pekraman mekadi ayah-ayah miwah tetegenan-tegenan saha siosan manut dresta.

## Pawos 28

1. Ahli waris dados medum warisan pewartis nisampune kelaksanayang Pitra Yadnya lan sehanan utang-utangan buntas ketawur.
2. Para ahli waris polih pah-pahan pada sane merupa artha berana guanakaya saking pewartis.
3. Sinalih tunggil ahli waris kadi ring ajeng tan polih pah-pahan perade :
  - a. Nilar sasaning Agama Hindu, utawi ngeranjing megama sewos.
  - b. Alpaka guru Rupaka wiadin Guru Swadiaya.

## Pawos 29

1. Pewartis dados ngedumang artha Berana pedruwennya sekantun maurip luwira :
  - a. Medasar antuk jiwa dana, tetadtadan (bekel) ring pihak sane kesah mawiwaha.
  - b. Ngedumang Pangupa jiwa.
  - c. Ngedumang tetegenang wiyadin Pedum Raksa, pahan waris podgata kantos pedum jumenek arep ring Ahli waris.

2. Prade sejeroning pakulawarga wenten ahli waris langkung ring adiri patut :
  - a. Pateh pedume ring sang ngewaris.
  - b. Yan tan kasidaan antuke ring paumahan, patut katunasang tetimbang ring kerta desa (prajuru desa).
  - c. Perade ten tinut ring tepas Prajuru Desa kengin tunasang bawos ring sang rumawos (pengadilan negeri).

### Pawos 30

1. Putra kewalon sane wit saking Predana mekadi sang Balu madrebe putra raris keajak merabian, tan sinanggeh ahli waris, putra kewalon inucap wantah molih pesayuban tur upajiwa kemawon saking Pewaris (purusa).
2. Putra piara taler tan sinanggeh ahli waris, mekadi sinalih tunggil kulawrga tan sida ngawentenang sentana, raris nunas putra pepernahannya keanggen penuntun mangda kaungkur sida ngewentenang sentana, putra piara inucap tetap manggeh ahli waris saking yayah rena sane ngerupaka.
3. Pianak babinjat miwah pianak astra inggihan wong wetu tan sangkaning pawiwahan syah tan sinanggeh ahli waris saking pewaris (purusa), nanging sinanggeh ahli waris saking Predana (ibu), sejabaning sampun kaupakara/kaupacara manut agama miwah melarapan sultur pamutus bebawos saking Pemerintah.
4. Wong Balu taler tan sinanggeh ahli waris, nanging ipun wenang ngeraksa artha Berana rabine saha ngasilang keanggen ngupajiwa kauripannya sekantun pageh ngemangiyang swadarmaning balu utawi satyeng laki.
5. Wong Balu lanang sane dados sentana kundul utawi melabuh api taler tan sinanggeh ahli waris, wong inucap patut ngeraksa kemawon Artha Berana rabine saha ngasilang mianakadi keanggen ngupajiwa

kaunipannya sekantune pageh ngemangayang swadarmaning balu ring kulawarga purusa.

## SARGA V SUKERTA TATA KRAMA

### Palet 1 INDIK KRAMA

#### Pawos 31

1. Sehanan sang jenek mapumahan ring Desa Adat Pohsanten, sinanggeh wong Desa Pohsanten.
2. Wong Desa inucap linggihnyane wenten 2 kalih soroh luwire :
  - a. Kulawarga sane megama Hindu tur sampun ngeranjing mekrama adat, sinanggeh warga Desa Adat Pohsanten.
  - b. Sejaba punika sinanggeh tamiu sane sampun bulu angkep jumenek megenah ring wewengkon Desa Adat Pohsanten kalih nganutin tata trepti.
3. Sehanan warga Desa utawi Banjar sane sampun merabian patut ngawit / tedun dados kerama Desa Adat utawi Banjar Adat. /

#### Pawos 32

1. Satunggil Kerma manut kerendahan kulawargannya patut keni ayah sinalih tunggil luwire :
  - a. Ayah ngarep seplaken (lanang/wadon).
  - b. Ayah balu/Pangele (balu lanang wiadin wadon yaning kantun maduwe putra lanang wiadin istri sane sampun mebasa wiring).
2. Ayah ngarep kalih ayah balu/pangele kadi inucap ring ajeng sinanggeh pemekas ayah utama, nanging kerama sane manut kerendahan kulawarga patut nambahin antuk ayahan kadi ring sor :
  - a. Kerama sane sampun lingsir kegentosin rupan ayahannya sinanggeh ayah nyada (mayusa 60 (enamdase) warsa ngemungganghang).

- b. Ayah Teruna/Teruni wayahan ( sehanan anom-anom lanang/istri ).
  - c. Ayah teruna-teruni Nyoman ( sehanan alit-alite lanang/istri sane sampun mayusa 6 ( enam )- 13 ( tigabelas ) warsa.
3. Ayah teruna/teruni wayahan kalih nyoman ring ajeng kapupulang ring sekehe teruna-teruni wayahan kalih nyoman manut ~~Perarem~~ Desa utawi Banjar.

### Pawos 33

1. Pawilangan ngawit dados kerama Desa Adat Pohsanten sekadi ring sor :
  - a. Ngawit mapumahan wiadin ngerereh pangupa jiwa sajeroning Palemahan Desa Adat Pohsanten yan sampun jenek 3 ( tigang ) sasih.
  - b. Melarapan antuk Pawihan, mekadi putran 1 Kerama sane sampun mawidhi widana utawi sampun 3 ( tigang 0 sasih, saking merabian diastu during ngelaksanayang upakara widhi-widana.
  - c. Kerama Desa/ Banjar sane ninggalin Desa Banjar, mewali malih tedun mekerama sesampune nawur Pamogpog manut Perarem .
  - d. Yening wenten tamiu sane Jumenek 3 ( tigang ) sasih ring Palemahan Desa Adat pohsanten, saha kepatutang naris ngamiletin ayah utawi Pamogpog manut patitis sekala.

### Pawos 34

1. Kerama Desa utawi Banjar keni ayah miwah tetegenan sekadi ring sor :
  - a. Ayah ngarep saking kerama ngarep keni pepeson gegem.
  - b. Ayah Balu/pangele saking kerama Pangele keni pepeson miwah urunan Atenge( para-para ).

- c. Para Cadaka, Pemangku Kahyangan luput saking ayah memata-matu miwah pekenan-kenan.
  - d. Wong cedaangga banget, sakit tahunan, buduh, balu putung miwah wong alit ubuh luput saking ayah memata-matu miwah pekenan-kenan ( sejawaning wong inucap kalintang sugih indik pepeson / urunan keni kepatuhan antuk antuk aksara a, b, ring ajeng.
2. Tedun mekerama Desa utawi Banjar kalih ngetang perobahan ayahan ngawitin nangken laka warsa ( rahina ngembak ), sejawaning ayah Balu/Pangele, usan dados mekerama miwah wau tedun mekerama, ketang eing Prajuru manut Perarem.
  3. Kulawarga sane nampi tamiu utawi dunungan sanistane mewaneng arahina patut atur supeksa ring Kelihan adat sane ngawidangin genah Paumahannya.

### Pawos 35

1. Swadarmaning | Kerama Desa utawi banjar sewos ring keni ayah-ayahan patut :
  - a. Dreda atuang ring Desa utawi banjar, tinut seturut ring sedaging awig-awig, pasuara miwah geguet Desa utawi banjar.
  - b. Tan maren ngutsahayang mangda Desane utawi Banjare nyidayang nyujur tatujonya sekadi munggah ring ajeng
  - c. Natak panas tis kertin Desane utawi Banjare.
2. Tamiu patut taler ngelaksanayang sekadi ring sor :
  - a. Tinut seturut ring sedaging Awig-awig, pasuara, Perarem miwah geguet-geguet Desane utawi Banjare ngeninin indik ngupadi sukertan sekala.
  - b. Tan wenten nungkasin sepermargin kertin Desane utawi Banjare.

## Pawos 36

1. Kapatutan miwah tetuas | Kerama Desa utawi Banjar miwah Wangsa sane sinanggeh Tamiu luwire :
  - a. Polih pesayuban ngemanggehan kesukertan raga, Agama saha druwennya soang-soang saking Desa utawi Banjar.
  - b. Polih Pengayom Prajuru manut Dresta, ngeninin sangaskara, kaunipannya sane mabuat mekadi mustikayang iketan sulur pakulawangannya.
  - c. Polih pengayom Prajuru ngeninin indik kesukertan miwah kesucian Prahyangannya, karangnyane miwah padruwennya saha kebawosin tur katiwakin pemutus sehanan wicaranya.
2. Tetuwah miwah kapatutan | Kerama Desa utawi Banjar sane sinanggeh Pamekas sekadi menggah ring Pawos 2 (1) luwire :
  - a. Polih memilih wiadin memilih kedadosan Prajuru Desa utawi banjar, pemangku Kahyangan Desa miwah sane sios-siosan manut Peraram.
  - b. Nyarengin Paruman tur kepatutang ngemedalang daging pikayun, pitaken-pitaken miwah Pengelemek-pengelemek pawungu sane tetujon becik marep ring Pengelaksana Prajuru saha wenang mastikayang Pemutus desa utawi Banjar.
  - c. Polih pah-pahan pikolih sehananing Druwen Desa utawi Banjar tur Pituas sane siosan manut Peraram.

## Pawos 37

1. Sinalih tunggil sang wusan mekerama Desa utawi Banjar yaning :
  - a. Magingsir linggih saking Palemahan wewidangan Desa Adat Pohsanten turmaning sampun Penglugrahan saking Prajuru.
  - b. Kanorayang utawi keusanang antuk mamurug awig-awig.
2. Sang wusan Mekerama Desa utawi banjar tan polih pah-pahan sehananin raja Brana druwen Desa utawi Banjar.

## PALET 2 INDIK PRAJURU

### Pawos 38

1. Desa Adat Pohsanten keenterang antuk Bendesa Adat.
2. Banjar Adat kenterang antuk Kelihan Adat.
3. Bendesa Adat miwah Kelihan Adat patut :
  - a. Mawiwit saking ayah ngarep/utama tur tan cedaangga (sakit-sakitan).
  - b. Uning ring Pengelokika, uning ngewacen, nyurat.
  - c. Keadegang melarapan antuk Pemilihan, nyabran 5 (limang ) warsa tur keengin kapilih malih saha maduluran ngaturang pakeling ring Pura Kahyangan Tiga Desa.
4. Bendesa Adat kesanggra antuk :
  - a. Petajuh maka Wakil Bendesa adapt
  - b. Penyarikan maka Juru Surat Bendesa Adat.
  - c. Petengen maka pengemong miwah ngelingang raja Brana druwen Desa Adat.
  - d. Kelihan Adat, maka Pangliman saking soang-soang Banjar.

### Pawos 39

1. Prajuru sekadi ring ajeng Pawos 38 (4 ) kasudi antuk bendesa adapt miwah Kelihan Adat melarapan antuk Paruman Desa-Banjar Adat.
2. Sehanan Prajuru patut mawiwit saking ayah ngarep/utama tur sampun polih cecumpon saking | Kerama Desa utawi Banjar Adat, medasar antuk indik-indik sane sampun kesungkemin olih | Kerama sareng sami utawi akehan.

## Pawos 40

1. Prajuru Desa/Banjar Adat dados kegentosin sedurung Bates ipun yaning :
  - a. Ketinggalan Yusa (Padem).
  - b. Mapikayun saking dewek ngeraga.
  - c. Sedeng ngelaksanayang Hukuman Penjara.
  - d. Usan dados kerama Desa Adat.
  - e. Keranyanang antuk Paruman Desa/Banjar Adat riantuk tan nginutin sedaging Awig-awig, Pasura, miwah Perarem Desa/Banjar Adat.

## Pawos 41

1. Prajuru Desa Adat miwah Banjar Adat maduwe Swadarma lasn kewnangan luwir ipun :
  - a. Ngenterang sepemargin miwah pengelaksana sedaging Awig-awig, Pesuara, miwah Pergrem Desa utawi Banjar.
  - b. Nuntun tur ngenteran kerama ngupadi petitis lan kesukertan Desa utawi Banjar sekala niskala.
  - c. Nyeledihi/ngewakilin Desa/utawi banjar ngewntenang Paruman bebawos ring sapisira ugi manut Swadarmannya soang-soang.
  - d. Pemargin lan Pengelaksana Prajuru Desa utawi Banjar kadi ring ajeng patut kasinahang ring Paruman Desa utawi Banjar kapungkur ipun.
2. Kapatutan miwah Pituas Prajuru Desa/Banjar Adat :
  - a. Luput saking ayahan Desa/Banjar mematu-matu.
  - b. Luput saking ayahan subak wiadin Dinas manut masilih asih miwah pasuitrayan.
  - c. Luput saking pekenan-kenan Desa /Banjar ( rupan pekenan-kenan nenten pateh ) manut Perarem.
  - d. Polih ulih-ulihan cenengan, karang kulkul miwah olih-olihan sane siosan manut Perarem.

## Pawos 42

1. Swadarman lan Kewnangan Bendesa Adat miwah Kelihan Adat :
  - a. Nuntun tur ngenterang Paruman Prajuru miwah Paruman-paruman Desa/banjar Adat.
  - b. Ngenterang pemangi miwah Pengelaksana sedaging Awig-awig, Pasuara, lan Peranem Desa/Banjar Adat.
  - c. Ngeraksa saha ngenterang Tata Gara ngangge Raja Brana druwen Desa/Banjar Adat.
  - d. Nuntun saha nyaksinin Tat cara miwah sangaskaraning kaupane mabuat mekadi mastikayang sultur Pakulawangan.
  - e. Nuntun saha Ngenterang | Kerama ngupadi Nginggilang Sang Hyang Agama, kesucian Pawongan, Kesucian Palemahan, miwah tata caraning ngangge Setra utawi Tunon.
  - f. Mawosin kalih niwakang pamutus marep ring wicaran | Kerama Desa/Banjar adat.
2. Swadarman lan Kewnangan prajuru, siosan wantah nyanggra nyerayanin Bendesa Adat miwah Kelihan adat manut swadarmannya sowang-sowang.

PALET 3  
INDIK PEPARUMAN

## Pawos 43.

1. Pepalihan Paruman-paruman :
  - a. Paruman Desa/banjar miwah Tempek.
  - b. Paruman Prajuru Desa/Banjar miwah Tempek.
  - c. Paruman Sekehe Teruna-teruni miwah sekehe-sekehe sane lianan.
2. Sehanan Paruman sida lumaksana yening sampun ketedunin antuk sang patut nyarengin bilih langkung ring  $\frac{1}{2}$  ( atenga ) keh ipun.
3. Sehanan Pemutus keutsahayang pisan mangda melarapan antuk gilik briuk siu, bilih tan nyidayang, suarane sane makehan sinanggeh Pamutus.

4. Ring sehanan paruman tan maren kemanggalain antuk Pengarcana ring Ida Sang Hyang Widhi Wasa miwah ring Ida Begawan Penyarikan saha widhi widana miwah kelanturang antuk Puja Astawa Tri Sandya.

#### Pawos 44

1. Paruman Desa Adat Pohsanten kawentenang sinangken awarsa apisan Rahina *Ngembak Nyepi*, tetujon miwah bebuatannya luwir ipun :
  - a. Bendesa adapt nyiarang utawi Nyihnayang indik ngemargayang swadramannya miwah Kewngannya sejeroning awarsa, minekadi sulur pemargin, Penelas artha Berana druwen Desa Adat sane keenterang miwah Pidabdab pemargin usaha-utsaha Desane.
  - b. Nguningang utawi Nyihnayang indik Munjuk Lungsur pekeraman miwah ayah-ayahan.
  - c. Nguningayang utawi Nyihnayang indik kewentenang wicara saha Pamutusnya.
  - d. Midabdab ngerencana indik usaha-utsaha kalih kertin desane kapungkur miwah sane lian-lianan.
2. Sehanan pakerab ring ajeng katitenin saha katiwkin pamutus paruman Desane.
3. Pamutus paruman inucap ring ajeng sinanggeh sepat siku-siku patut katitenin antuk Kerama Desane sami pamekas Para Jurune.

#### Pawos 45

1. Paruman Banjar Adat kewentenang sinangken 6 (enam) sasih apisan manut Pamutus Banjar soang-soang indik rahinane miwah tetujone luwir ipun :
  - a. Kelihan adapt Nyiarang utawi Nyihnayang sepemargin ngenteran usaha-utsaha miwah kertin banjare.

- b. Nyihnayang indik Munjuk Lungsur pekeraman miwah ayah-ayahan.
  - c. Nyihnayang indik Pemargin, Penelas miwah sulur ngangge artha Berana druwen Banjare.
  - d. Nyihnayang indik pemargin Usaha-usaha Banjar miwah Nyihnayang indik Kerma sane Keni Denda kalih sehanan wicara saha pamutusnnya.
  - e. Midabdab ngerencayang indik usaha-usaha kalih kertin banjare kapungkur ipun miwah sane lian-lianan.
2. Sehanan pakerab ring ajeng katitenin saha katiwakin pamutus antuk Paruman Banjar Adat sinanggeh anut mikukuhang pemargin Awig-awig, Pasuara lan Perarem.
  3. Pamutus paruman inucap ring ajeng sinanggeh sepat siku-siku kanitutin antuk | Kerama Banjar sareng sami pamekas Prajurune.

#### Pawos 46

1. Paruman Prajuru Desa/Banjar patut kewntenang sanistaning sasih apisan ring rahina Radite Umanis tatujone muah babuatannya :
  - a. Ngerincikang Tata Upaya ngelaksanayang usaha-usaha miwah Pangerencana-pangerencana.
  - b. Nitenin antuk pengelaksana sajeroning ngemargayang sehanan kertin desa/banjar miwah sane sios-siosan.

#### Pawos 47

1. Paruman/ Banjar/ Tempek miwah sekehe-sekehe sane lianan dados kewntenang manut babuatan ipun, yening sampun kecumponin langkung ring atenga keh ipun.
2. Paruman tempek-tempek miwah sekehe-sekehe ring soang-soang Banjar adat manut babuatan ipun soang-soang, nanging nenten dados tungkas ring Petitis Desa Adat pohsanten, saha patut mapiuning ring Prajuru Desa/Banjar.

## Pawos 48

1. Paruman Desa sane sinanggeh Pengawisesa saha wenang nyelem putihan Tata Pengenter Desa Adat Pohsanten, kawenangang sinangken 5 (limang) warsa apisan, tatujon miwah babuatannya :
  - a. Nguwah-nguwuhin Awig-awig lan Pasuara Desa Adat Pohsanten.
  - b. Ngewntenang Pemilihan Prajuru Desa Adat Pohsanten.
  - c. Miwah sane siosan saha dahating mabuat pisan.
2. Paruman Banjar Adat sane sinanggeh Pengawisesa, saha sane wenang nyelem putihan Tata Pengenter Banjar Adat ring sejeroning Palembang wewidangan Desa Adat Pohsanten, taler kawntenang sinangken 5 (limang) warsa apisan tatujon lan babuatannya luwire :
  - a. Nguwah-nguwuhin Awig-awig, Pasuara, lan Perarem Banjar Adat.
  - b. Ngewntenang pemilihan Prajuru Banjar Adat.
  - c. Miwah sane sios-siosan.

PALET 4  
INDIK KULKUL

## Pawos 49

1. Kulkul masuara nganutin Tri Briata Sandi : Dharma, Sima miwah Laksana Pasukadukan Desa utawi Banjar luwire :
  - a. Dharma ; Kulkul masuara nganutin Upakara/upacara Agama.
  - b. Sima : Kulkul masuara nganutin sekancan dresta sane kemanggehang.
  - c. Laksana : Kulkul masuara nganutin sekancan Pekaryan sane kelaksanayang antuk Desa utawi Banjar .

2. Tabuh Tetepakang Kulkul pastika masios-siosan manut tatujonnya luwire

- a. Tengeran wenten Upakara/Upacara yadnya.
- b. Tengeran wenten sinalih tunggil | Kerama Desa/ Banjar sane Padem.
- c. Tengeran wenten Paruman miwah ngawit ngelaksanayang pekrayan.
- d. Tengeran wenten sinalih tunggil sang istri merabian.
- e. Tengeran wenten sinalih tunggil | Kerama Desa/ Banjar meduwe oka.
- f. Tengeran wenten wong istri kepelegandang.
- g. Tengeran wenten sinalih tunggil | kerama Desa/Banjar keni Panca Bhaya mekadi : Kemalingan, Perampok/kebaak, umahnya pun, kebelaburan, keamukan, mayudo, saha senjata miwah sekancan maumat pati sane siosan.
- h. Tengeran wenten Bulan utawi Surya kepangan, linuh/gempa bumi kerawuhin megah penegarane miwah sekancan mebayapati sane siosan.

3. Suaran Kulkul soang-soang tengerannya inggih punika :

- a. Masuara tabuh nganutin irama, sedurung kulkul masuara cihna wenten dedaunan Pacang paruman, mekarya gotong royong.
- b. Masuara Goncang Atulud Lampak, cihna wenten hilang/surya kepangan, wenten linuh miwah upacara /upakara agama.
- c. Masuara Bulus gati kalih Atuludan, cihna wenten kemalingan / perampok /kebaak umah pun, wong kepelegandang miwah wong mayuda tan pa senjata.
- d. Masuara Bulus gati kalih Tuludan, cihna wenten sang perampok kebaak saha maweratpati, wenten bencana belabor ageng sane mebaya

- e. Masuara bulus gati Tigang Tuludan, cihna wenten wong ngamuk , wong mayude, saha senjata miwah sekancan maurat pati sane siosan.
- f. Masuara Nikel Ping Tiga ( tulud telu ) nyihnayang wenten sinalih tunggil | Kerama Lampus.
4. Suaran Kulkul inucap ring ajeng, kewastanin Sad Maheswara Manggala Dara sane meartos :
- Sad : Enam.
  - Maha : Ageng utawi Mabuhat.
  - Swara : Irama.
  - Manggala : Pamucuk/Pemimpin.
  - Dara : Gegambel/Kakukuhin.
5. Kulkul Desa Utawi banjar tan wenang katepak, yan tan sangkaning pituduh Prajuru Desa/Banjar, sejebaning wenten cihna Panca Baya.

#### Pawos 50

- Suara Kulkul tetengeran Paruman patut katedunin antuk Kerama saha pengangge saput masumpal utawi manut Tata Kramaning Adat miwah Dresta.
- Suaran Kulkul Pekaryan patut katedunin antuk Kerma saha gegawan manut dedaunan utawi wrah-warrah saking Prajuru.
- Suaran Kulkul Panca Bhaya patut katedunin antuk kerama saha gegawan manut Pepalihan Panca Bhaya kadi menggah ring ajeng.

#### Pawos 51.

- Sehanan kulkul sane wenten ring sewidangan Desa Adat Pohsanten patut sinarengan ketepak prade wenten sinalih tunggila tengeran kulkul mesuara nyihnayang wenten Panca Baya bilih-bilih kulkul Desa utawi Banjar

2. Suaran kulkul sekehe-sekehe sane wenten sejeroning wewidangan Desa Adat Pohsanten, tan wenang nyarengin suaran Kulkul Desa utawi Banjar.

PALET 5  
INDIK LABA PURA

Pawos 52

1. Tanah laba Pura Kahyangan Tiga Desa bukti pebersihan Kahyangan Tiga Desa mekadi Pura Puseh, linggahnyane,.....Ha, miwah Pura Dalem Linggahnyane .....Ha, magenah ring Banjar Munduk Desa Pohsanten, kegambel antuk soang-soang Pura inucap.
2. Tanah lana Pura Kahyangan Tiga Desa linggahnyane,.....ha saha Magenah ring Banjar Daging Pangkung Jangu Desa Pohsanten ,kegambel antuk Bendesa Adat, nanging penggarapannyane medasar antuk Perarem Prajuru Desa Adat.
3. Tanah Tegak setra linggahnyane .....Ha magenah ring Banjar Munduk Desa Pohsanten, kegambel antuk Juru sapuh ring Mrajapati sekadi nandu/bagi hasil antuk punika :  $\frac{1}{2}$  (atenga ) hasilnya druwen Desa Adat.

PALET 6  
INDIK DRUWEN DESA

Pawos 53

1. Sane sinanggeh druwen Desa Adat Pohsanten luwire ;
  - a. Kahyangan Tiga Desa ( Puseh, Desa, dan Dalem )magenah ring Banjar Adat Munduk , Desa Pohsanten kepekandelin utawi kesiwi antuk Kerama Desa Adat Pohsanten.

- b. Pura Pengulun Banjar mekadi : Pura amertha Sari, ring Banjar Dangin Pangkung Jangu, Pura sari Mertha ring Banjar Dauh pangkung Jangu, miwah Pura Amertha Jati ring Banjar Rangu, kepekandelin utawi kesiwi antuk Banjar Adat soang-soang.
  - c. Pura Luhur pasatan sane magenah ring Banjar Dangin Pangkung Jangu kepekandelin utawi kesiwi antuk subak Babakan Pohsanten, Subak Pecelengan miwah Desa Adat Pohsanten.
  - d. Pura Pengulun Subak (carik/abian) sane kepekandelin saha kesiwi antuk subak-soang-soang.
  - e. Tanah setra utawi Tunon sane megenah ring Banjar Munduk Desa Pohsanten.
  - f. Piranti-piranti mekadi balai Adat ring Desa/Banjar miwah tempek-tempek saha subak Carik lan Abian.
  - g. Lelanguan sane wernten sejeroning Desa Adat miwah Banjar Adat.
  - h. Palemahan Desa Adat Pohsanten
2. Indik druwen Desa Adat pohsaanten inucap ring ajeng kaemong saha katitenin antuk 1 Kerama Desa/Banjar melarapan Perarem miwah Dresta sane sampun ketitenin saking rihin.

PALET 7  
SUKERTA PAMITEGEP  
KAPING 1  
INDIK KARANG ABIAN LAN CARIK  
Pawos 54

1. Sehanan karang, Abian lan carik padruwen patut kapikukuhin antuk wates-wates sane pastika Nyatur Desa, mecihna antuk Pagehan/turus hidup, tembok, miwah punden.

2. wates-wates karang, Abian lan Carik kadi inucap ring Ajeng Patut kategen antuk madruwe sareng Sang sane madruwe Penyandingnya tur indik bebagiannya patut kemanggehang manut Perarem.
3. Sehanan Karang, Abian lan Carik patut keutsahayang tan wenten kebebeng utawi Mepemedal kerurunge/kemangine.
4. Prajuru Desa/ Banjarpatut ngutsahayang mangda sami kewentenang Karang, abian lan carik padruwen | Kerama kadi inucap ring ajeng.

### Pawos 55

1. Sinalih tunggil sang maduwe karang, abian lan carik kekenenin amongan telajakan tur kepatutang kapiara utawi kebecikang mekadi luwira ;
  - a. Got-got margi/ rurung sane nguub karang Paumahannya.
  - b. Margi/rurung sane nguub sejeroning karang paumahannya.
  - c. Telabah lan setunggilan ipun.
2. Sinalih tunggil sang Madrebe karang paumahan kepatutang setate nitenin indik kebersihannya tur patut kerenesin antuk sarwa tanam-tanaman sane mapikeneh ring keuripan.
3. Sinalih tunggil sang madrebe abian lan Carik kepatutang kebyengan nandurin manut Perarem.
4. Sinalih tunggil | Kerama Desa /banjar tan kalugra :
  - a. Ngelahlah tanah tegak Kahyangan, tanah Setra/tunon miwah margi/rurung.
  - b. Ngelahlah Karang, abian lan carik padruwen anak lianan miwah ngembahang toya wit wewalungan utawi toya pewargan miwah ngembahang toya siosan sane ngeranayang tan becik kepekarangan/abian miwah carik anak lianan utawi penyandingnya.
5. Sinalih tunggil | Kerama mamurug sekadi pawos angka 54 (1), (2), (3), (4), ring ajeng wenang kedanda agung alit ipun manut Perarem

PALET<sub>1</sub>  
KAPING<sub>2</sub>  
INDIK PEKAYONAN  
Pawos 56

1. Ngawit nandur tanem tuuh sang maduwe karang/abian patut luwire :
  - a. Yan ring wates Pura/Paibon/Merajan Dadia : kelapa ageng 6 ( enam ) ngejeroang saking wates, Kelapa puuh/gading 3 ( tigang ) meter ngejeroang saking wates, taler sekancan tanem tuuh sane siosan manut ring ageng alitnya.
  - b. Yaning wit punika sinanggeh jagi mayanin , wenang kekaonang oleh sang maduwe kepatutang ngebah.
2. Seluwire tetanduran utawi entik-entikan tan wenang naonin sane ngawanang pocol padruwen anak lianan, Prade wenten asapunika wenang kesepat gantungin ring tengahing wates tur sang maduwe kepatutang raris notor utawi ngebah.
3. Prade wenten ten manut kadi ring ajeng, kengin kewara antuk sang keberatan kesadokang ring Prajuru, mangda sang maduwe wit inucap ngebah, yening ping tiga kenikain taler tan keebah, ngebah wit inucap kengin keebah antuk sang sane pacng kebyanin utawi kepcolang tua wit nyane sami kamulihan antuk sang maduwe.
4. Yening prade ngatos ngebahin wewangunan, sane sane keni prebea saha Penyangaskara inggih punika sang maduwe wit yann sampun kewarah tur wit punika patut kerampag antuk sang kerubuhin.

KAPING<sub>3</sub>  
INDIK WEWANGUNAN  
pawos 57

1. Sehanan wewangunan tan wenang ngawanang pocol pengadania,prade wenten mamurug wenang wewangunan inucap kegubar saha tan poli prebea utawi kepcolang.

2. Wewangunan ring telenging wates patut ngewentenang paigum ring pengadania tur mesadok ring Prajuru Desa utawi Banjar, Prade mamurug riwekas yan kuwara antuk pengadia, wenang wewangunang punika/inucap kegubar saha tan polih prebea utawi kepocolang.

## KAPING 4 INDIK WEWALUNGAN

### Pawos 58

1. Sehanan warga desa/Banjar sane miara wewalungan patut siaga nitenin mekadi negul utawi ngelogor mangda tan wenten ngerusakin karang utawi pakubonan miwah abian-abianan anak siosan, bilih-bilih ngantos ngeranjing ngeletehin Kahyangan.
2. Prade wenten mamurug sekadi inucap ring ajeng, sang sane madruwe wewalungan punika patut katiwakin pamidadnda luwira :
  - a. Ngewalian sehanan sane krusak tur prebea kepocolannya, manut Perarem.
  - b. Ngupakara/ cecaron yening wewalungan ngantos ngeletehin Kahyangan manut Perarem.
  - c. Taler wewalungan inucap kengin ketaban manut Tata Cara Luwira :
    - Sang Naban kepatutang polih prebea sejeroning miara wewalungane punika.
    - Sang maduwe wewalungan punika patut nawur prebea ring Sang Naban manut Pengelokika Prajuru.

## KAPING 5 INDIK PANCA BAYA

### Pawos 59

1. Sehanan warga Desa/Banjar prade uning ring kewentenang jatma melaksana corah, patut permangkin nyadokang ring Prajuru Desa utawi Banjar.
2. Bilih mabuat kewentenang ipun, sang uning patut digelis nyuarayang kulkul tur anutan ring suaran kulkul manut ring rupan pengelaksana sang corah.
3. Sehanan warga Desa/Banjar manggihin sehanan jiwa baya taler patut nyuarayang nepak kulkulmapitulung tur sang mayanin inucap patut kapidanda manut Peranem saha kasukserahang ring sang Rumawos.

### Pawos 60.

1. Sehanan warga Desa/Banjar uning ring kewentenang baya utawi sinangken baya, patut premangkin katur ring Prajuru utawi nyuarayang kulkul manut ring suara sinangken inucap luwire :
  - a. manggihin wenten umah pun.
  - b. Anyudang embah/belabor.
  - c. Linuh, angina belisung miwah sepenunggilan ipun.
2. Sapunika taler sehanan warga Desa/Banjar patur prama tulung ring sang ketiban baya inucap, mekadi ngaturang ayahang saha gegawan manut ring kewentenan baya inucap.

## KAPING 6

### INDIK PENYANGGRA TEMPEK/BANJAR

#### Pawos 61

1. Pekaryan sinalih tunggil | Kerama sane mabuat kengin nunas Penyanggra Tempek utawi Banjar, tur indik Tata Penyanggrane keatang antuk Prajuru Tempek miwah Banjar soang-soang manut Perarem utawi Dresta.
2. Yening karyane dahat bobot, Tempek miwah Banjar wenang nunas Penampih ring Tempek utawi Banjar siosan tur katutin pingu anut ring wibuh kincit karyan kerama inucap.

#### Pawos 62

1. Penyanggra saha kemangiang oleh Banjare mantuk ring | Kerama luwiripun :
  - a. Nguapakana sawa utawi sehanan Pitra Yadnya diastu tan Pesawa.
  - b. Sehanan Yadnya (Dewa, Rsi, Putra, manusia miwah Butha).
  - c. Ritakala ngelaksanayang penyenggran kadi ring ajeng | Kerama kepatutang ngangge wastra manut sekadi Keramanin adapt saha patut kewntenang Puja Astawa miwah Kidung/Kekawin katuntun antuk Prajuru.
2. Sejaba kadi inucap ring ajeng, pekaryan sekadi ; ngisidang saluwire wewangunan, ngampung, nyucuk, ngerebin lan sepenungilanipun taler kengin ketunasang penyanggra ring Tempek utawi Banjar.

SARGA VI  
WICARA LAN PAMIDANDA  
PALET I  
INDIK WICARA

Pawos 63

1. Sane wenang minekadi memawosin wicara saha mutusang luwire :
  - a. Kelihan Adat prade sang mawicara sami-sami matunggilan bebanjaran.
  - b. Bendesa Adat prade sang mawicara masiosan Bebanjaran.
2. Bendesa Adat kang sinanggeh Pangerta Banjar Adat soang-soang.
3. Prade sang mawicara tan wenten cumpu ring Tata caran, Kelihan adat mawosin minakadi daging pamutusnya, wenang nunas bawos bebandingan ring Bendesa adat.
4. Pamutus Bendesa adat areping wicara inucap ring ajeng ( 3 ) sinanggeh wesaning bebawos ring Desa Adat Pohsanten.

Pawos 64.

1. Sehanan wicara mawiwit kacerahang sakaluwire muah sane sinanggeh nungkasin awig-awig, pasuara lan Perarem patut raris bebawosin antuk Parajuru tan nyantos pesadok. Sios ring wicara kadi ring ajeng patut nyantos pesadok sang nunas bebawos.
2. Sehanan wicara patut ketepasin jantos pastika janten iwang patutnya melarapan antuk Tri Premana ( bukti, Saksi, ilikita ).
3. Pamutuse patut tan maren nepek ring Catur dresta ( satra, purwa, loka miwah Desa dresta ).
4. Sehanan pamutus patut tan maren ngupadi luwire :
  - a. Warga Desane sayan uning kepastikayang wewatesan iwang patute.
  - b. Mangada sang kawon tatas uning ring kaiwangan dewek ipune.

SARGA VI  
WICARA LAN PAMIDANDA  
PALET,  
INDIK WICARA

Pawos 63

1. Sane wenang minekadi memawosin wicara saha mutusang luwire :
  - a. Kelihan Adat prade sang mawicara sami-sami matunggilan bebanjaran.
  - b. Bendesa Adat prade sang mawicara masiosan Bebanjaran.
2. Bendesa Adat kang sinanggeh Pangerta Banjar Adat soang-soang.
3. Prade sang mawicara tan wenten cumpu ring Tata caran, Kelihan adat mawosin minakadi daging pamutusnya, wenang nunas bawos bebandingan ring Bendesa adat.
4. Pamutus Bendesa adat areping wicara inucap ring ajeng ( 3 ) sinanggeh wesaning bebawos ring Desa Adat Pohsanten.

Pawos 64.

1. Sehanan wicara mawiwit kacerahang sakaluwire muah sane sinanggeh nungkasin awig-awig, pasuara lan Perarem patut raris kebawosin antuk Parajuru tan nyantos pesadok. Sios ring wicara kadi ring ajeng patut nyantos pesadok sang nunas bebawos.
2. Sehanan wicara patut ketepasin jantos pastika janten iwang patutnya melarapan antuk Tri Premana ( bukti, Saksi , ilikita ).
3. Pamutuse patut tan maren nepek ring Catur dresta ( satra, purwa, loka miwah Desa dresta ).
4. Sehanan pamutus patut tan maren ngupadi luwire :
  - a. Warga Desane sayan uning kepastikayang wewatesan iwang patute.
  - b. Mangada sang kawon tatas uning ring kaiwangan dewek ipune.

- c. Sang Molih tan maren katuntun mangada sampun bas nginggilang kepatutannya lila legawa nyampure sang sisip tur mangda nyapsap bibit-bibit papinehe mamusuh-musuhan.
5. Bendesa Adat patut nunasan Pematut ring Sang rumawos, prade wenten warga desa amandel ring Pamutusnya, bilih-bilih yan punika sinanggeh ngawanang dus kertan Desa Adat Pohsanten.
6. Wong Desane sane keberatan ring pamutus Bendesa Adat utawi pengete Desa adat Pohsanten, wenang nunas bebandingan ring Sang Rumawos (Parisadha Hindu Dharma miwah Pemerintah).

## PALET 2 INDIK PAMIDANDA Pawos 65

1. Desa/banjar wenang niwakang Pamidanda ring wong Desa/Banjar sane sisip.
2. Tatiwak pamidanda kadi inucap ring ajeng kelaksanayang olih Prajuru Desa/Banjar.
3. Pamidanda sane katiwakang mangda manut ring pastika Catur Naya Upaya Sandi minekadi :
  - a. Sama : Wong desa utawi Prajuru Desa pateh sami keni pamidanda yan keni sisip.
  - b. Beda : Paniwak Pamidanda ika wenang mebinayang manut ring sor singgih muah agung alit kesisipania.
  - c. Dana : Paniwak pamidanda punika kelaksanayang wantah merelina kesisipan utawi mapitulung ngemanggehang kerahajengan Kerama desa Adate.
  - d. Danda : Sang pastika sisip tan luput kekenenin Pamidanda.
4. Pepaletan Pamidanda luwire :
  - a. Kang sisip katiwakin merupa gung anta.
  - b. Panebus kesisipan antuk ayahan.
  - c. Keni pengupacara antuk bebanten.

- d. Keni panikel urunan utawi dedandan.
  - e. Kejabutin muah kerandahin ( kelelang ).
  - f. Kenorayang utawi keraryanang mekrama.
  - g. Kepalasang
  - h. Kulawarga nunas Pengampura ring Kerama Desa utawi Banjar.
5. Jinah utawi artha pamidanda punika ngeranjing ring Desa utawi Banjar, Subak carik, Subak Abian miwah sekehe-sekehe manut kadi pasukertaning soang-soang.
  6. Dasar niwakang Pamidanda ring sang katiwakin sane kepastiyang sisip ring Desa Adat pohsanten, melarapan antuk sastra agama miwah kertaning Negara sane manggeh.
  7. Kesisipan wong Desa sane patut keni Pamidanda wenten kalih soroh luwira :
    - a. sane merupa sampun melaksana tan patut.
    - b. Sane merupa bebawos tan manut ring sukerta tata agama muah Adat ring Desa Pekraman.

PALET 3  
INDIK PEMARGIN PAMIDANDA

Pawos 66

1. Pemargin pamidanda sukerta tata pekraman, kang maurug keni danda artha agung alit ipun masor singgihan manut kesisipania miwah manut Perarem.
2. Pemargin pamidanda sukerta tata agama, kang maurug keni danda artha muang danda upakara penyangaskara agung alit ipun masor singgihan, manut ring kesisipania miwah manut Perarem.
3. Pemargin pamidanda sukerta tata Pawongan, kang maurug keni danda artha agung alit ipun masor singgihan manut ring kesisipania manut Perarem.

## PALET 4 INDIK RERAMPAGAN

### Pawos 67

1. Saluwiring dedandan paturunan miwah utang-utang sane tan jangkep/buntas ketawur sejeroning pawenangannya manut Perampagan semalihe | Prajuru sampun ngutsahayang saking becik marep ring sang kantong mautang inucap wenang raris kewentenang Perampagan.
2. Sane kengin kerampag luwire ipun :
  - a. Sekancan anta berana utawi barang-barang sane kedruweang sejawaning barang-barang sane keanggen ngerereh Pangupajiwa.
  - b. Sekancan barang-barang sane keanggen ngemargayang ile-elen upacara Agama kalih sesikepan tan kengin kerampag.
3. Tata Cara ngemargayang rerampagan luwire :
  - a. Setampek ipun asasih sedurung ngemargiang rerampagan, prajuru patut mapitahu ring sang keni rerampagan.
  - b. Yening sejeroning asasih lintang, dedandania miwah paturunan sane kantong katunggak antuk sang keni rerampagan ketawur buntas, rerampagan kengin keicalang utawi tan durus kelaksanayang.
  - c. Yening sampun langkung ringf asasih , dedandan utang-utang miwah peturunan sane ketunggak punika tan ketawur buntas malih sang keni rampage Prajuru kesaksinin antuk lkerama patut ngerawuhin padruwen sang keni rampage inucap , barang-barang ipune keambil tur raris keadol ,ring ajeng kerama hasil pengadolan punika raris keanggen muntasang tetunggakan sang keni rampage, yening wenten sisane patut kewaliang, nanging yan kirang tur tan wenten malih batang-barang ipune sane patut kerampag, rerampagan keungkuran saha ngantos malih mangdene sang keni rampage madruwe barang malih.

- d. Sang kerampag mangada sangkaning lascarya ring pemangin perampagan sane kelaksanayang olih prajuru kadi inucap ring ajeng.

## PALET<sup>5</sup> INDIK NGANORAYANG/NGUSANANG MEKRAMA ADAT

### Pawos 68

1. Sinalih tunggil | kerama desa utawi banjar sane tan tinut ring awig-awig punika sejeroning amase, sesampune polih pinget/pikeling sanistane ping tiga saking | Prajuru taler kantung mamurug, patut kenorayang utawi keusanan mekerama desa utawi banjar.
2. | Kerama sane kenorayang utawi keusaning punika tan lup[ut saking danda utang-utang kalih paturunan sane during buntas ketawur.
3. Ngeraryanang | Kerama sane mamurug awig-awig, pasuara lan Perarem Desa Adat Pohsanten, patut kecumponin antuk atenga langkung Kerama desa sinamian.
4. | Kerama sane keraryanang mekerama punika kengin mekerama Desa adapt Pohsanten malih, yening sampun kecumponin antuk atenga langkung kerama sinamian.

## SARGA VII INDIK RAJA BERANA DRUWEN DESA Pawos 69

1. Artha Berana utawi jinah-jinah druwen Desa rumanjing saking :
  - a. Peturunan | Keram.
  - b. Dedandan-dandan.
  - c. Sarin tahun miwah sesari-sesarin banten.

- d. Pemogpg utawi Pengepok.
  - e. Usaha-usaha | Kerama Desa /banjar adat.
  - f. Artha dana saking sang kawelas asihutawi pemerintah.
  - g. Miwah sane sios-siosan mekadi sane syah.
2. Artha Berana utawi jinah-jinah druwen desa inucap, sinangken amase utawi awarsa ring Peparuman Kerama patut kasinahang miwah keterangan antuk Prajuru pamekas Bendesa Adat.

### Pawos 70

1. Prajuru Desa sinangken awaesa patut ngawe pawilangan rerancangan indik jinah-jinah sane jaga rumanjing, miwah sane kemedalang antuk Desa tur raris ketunasang Pamutus ring Peparuman kerama kapungkur.
2. Pamutus pawilangan jinah-jinah sane rumanjing miwah sane kemedalang kadi ring ajeng pinaka uger-uger utawi sepat siku | Prajuru sejeroning ngemargayang usaha-usaha Desane ritepengan awarsa punika.
3. Ring sinangken 6 (enenm) sasih | Prajuru Desa Pemekas Bendesa Adat patut nguningang Pemargin ngenterang jinah-jinah ring ajeng, ring Para Pemucuk Desa utawi ring Kerama.

## SARGA VIII INDIK NGUWAH-NGUWUHIN AWIGAWIG

### Pawos 71

1. Nguwah -nguwuhin awig-awig Desa Pohsanten, punika kengin kelaksanayang ring Peparuman Kerama.
2. Paruman inucap mangda kdasarin pekarsan kerama Desa adat saha kacumponin antuk atenga langkung kerama sinamian.
3. Pamutus bebawos nguwah-nguwuhin Awig-awig Desa Pohsanten punika manda kdasarin antuk gilik seguluk briuk siu.

## Pawos 72.

1. Paruman indik nguwah-nguwuhin Awig-awig Desa Pohsanten punika kengin kelaksanayang ring Perarem kerama.
2. Paruman inucap mangada kadasarin antuk Pekarsan Kerama Desa Adat saha kacumponin antuk atenga langkung kerama sinamian.
3. Pamutus bebawos nguwah -nguwuhin Awig-awig Desa adat puniki mangda kadasarin antuk gilik seguluk briuk siu.

## Pawos 73

1. Pekarsan nguwah-nguwuhin Awig-awig kengin rawuh saking Bendesa Adat, kalih | Kerama yadiastu adiri-adiri utawi sinarengan.
2. Daging sehanan Pasuara kalih Perarem Patut seloan ring awig-awig puniki, tur sane patut keunggahang mekadin ipun :
  - a. Perincian Penyahcah Daging awig-awig saha mabuat.
  - b. Agung alit dedandan utawi penikel-penikel dedandan.
  - c. Miwqah sane sios-siosan sane anggen maka pamitegep Tata Pengelaksanaan Awig-awig puniki.

SARGA IX  
PAMUPUT

## Pawos 74

1. Saluwiring wicara sane during menggah ring awig-awig puniki jaga kebawosang ring Peparuman Kerama Desa adapt.
2. Saluwiring wicara sane sampun menggah sadurung wenten awig-awig puniki, patulis tan patulis kantun kemanggehang, sejawaning tungkas ring daging awig-awig puniki.

## Pawos 75.

1. Awig-awig puniki kewastaning AWIG-AWIG DESA ADAT POHSANTEN KECAMATAN MENDOYO KABUPATEN JEMBRANA. Kereremin tur kemanggehang duk Rahina Purnamaning Kapat, Pinanggal 29 September 1985, Tahun Caka 1907.
2. Awig-awig puniki kelingga tanganin antuk Parejuru Desa Adat Pohsanten, kesaksinin antuk Kepala Desa / Perbekel.

OM SANTHI.SANTHI.SANTHI. OM

PRAJURU DESA ADAT POHSANTEN (1985)

- |                                  |  |
|----------------------------------|--|
| 1. Bendesa Adat                  | : I Nyoman Ladra. ( Pan Kardi )              |
| 2. Penyarikan                    | : I Wayan Wedera. ( Amorbun )                |
| 3. Pangliman                     | : I Wayan Sider.                             |
| Kelihan-Kelihan Adat :           |  |
| 1. Kelihan Banjar Munduk         | : I Made Dinta.                              |
| 2. Kelihan Banjar Rangdu         | : I Ketut Rutiye. ( Kiang Lindu )            |
| 3. Kelihan Dangin Pangkung Jangu | : I Gusti Agung Komang Mantra. ( Agi Dalem ) |
| 4. Kelihan Dauh Pangkung Jangu   | : I Nengah Ngandra.                          |
| Kepala Desa Pohsanten            | : I Gede Yudha.                              |

Disahkan, 29 September 1985

Katulis anyar Tahun 2006 olih :

## PRAJURU DESA PEKRAMAN POHSANTEN

Warsa Ayahan 2006 -2011

- Bendesa Adat : | Gst. Agung Komang Suryadiasa.  
 Petajuh : | Made Sanka.  
 Penyarikan : | Gst. Agung Km. Mentera.  
 Petengen : | Gst. Agung Putu Suartama.  
 Wakil Petengen : | Gede Winaya.  
 Tri Baga ( Pemucuk ) :  
 1. Prahyanan : | Made Dirta.  
 2. Pawongan : | Wayan Ridarta Kusuma, S.Pi  
 3. Palembang : | Gst. Putu Sarken .  
 Kelihan- kelihan Adat :  
 1. Banjar Munduk : | Wayan Suama.  
 2. Banjar Rangdu : | Gst Agung Kd. Suwidja.  
 3. Banjar Daging Pangkung Jangu : | Ketut Linggih .  
 4. Banjar Dauh Pangkung Jangu : | Gst. Ngurah Komang  
 Artha.  
 5/ Banjar Pasatan : | Gusti Ngurah Putu Budiasa.

Desa Pekraman Pohsanten

Warsa ayahan 2006 -2011

Bendesa Pekraman

Penyarikan

( | Gusti Agung Km. Suryadiasa )

( | Gst Agung Km Mentera )

Keuningin Antuk :  
 Kepala Desa Pohsanten

( | Ketut Gama )